

შინაური საქმეები.

✎ უოველ-კვირული გაზეთი ✎

№ 15.

შასი ერთი შაური

ფლიური შასი 4 მან.

წელიწადი გეეჰესე.

კვირა, 21 აპრილი 1913 წელი.

უიხუკე კელ-კვირეულ ვაჟეთ

უიხუკე საქმეებზე

საქმე № 17). და თვალში კამოქედიან სომხს პაზარში, სომხანგენს შუქს მალახაში. გამოფე ყოველ თვეში ოთხი ნომერი.

გაზეთის ფასი:

წლეუბი ფასი:	სახ. წლეუბი:	საში თუთი:	ერთი თუთი:
4 მანეთი.	2 მანეთი.	1 მანეთი.	2 აბაზი.

ცალკე ნომერი ქუთაისში ერთი შაური.

ფილია ნომერის წლეუბი ფასი ნომერისათვის შეიღებეს ასე განწლეუბი: თვედგან 2 მ. და 1 იუნის 2 მ. განწლეუბის ფასი წინა ვეროდზე პერიოდით ხტოქონი ორი მთელი, უკანსკელზე 7 კ.

ადრესი: ქუთაისი: „შინაურთა საქმეებს“ რედაქცია.

შინაურთა: 1. ორნაირი ურწმუნეობა—ონ. მწირი; 2. საუბრები—ა. პ.; მ. კუმპარიტი გმირობა—ენათ-ში ნამყოფი; 4. კვირიდან-კვირამდე; 5. გაზ. „ქოლხი-დის“ სააღდგომო წერილები—ხელი; 6. გამსქემი—დ. ჩხიკვაძე; 7. მოწერილი ამბები, დ. ლანჩხუთი—ლან-ჩხუთელი; 8. წერილი რედაქციის მიმართ.

ქერიე მარიამ ღმირის ასული მოღებამისა, ლიუდმილი, ნინა, პარილი, პეუბა და ქეთევან მოღებამები გულითა-დის მწუხარებით აუწებენ წაფსავთა და ნაცნობთ პირვე-ლი საყვარლის ქმრის და მეორენი თერფისი მამის

მღვდლის იოკიმე ზურეს მის
მოღებამის

მღვდელმთავრებს. დარბაზლე დანიშნულია ს. კოქში 24 აპ-რილის, დღით ოთხ მბათას. გამოსვენება დღის 4 საათზე.

ორნაირი ურწმუნოება.

„ქალი კეთილ ურწმუნოება თომასი, რომელმან მორწმუნეთა გულნი სარწმუნოებითა შეუძრველითა განამტკიცა და შიშით დალდაჭყო: უფალი ჩემი და ღმერთი ჩემი, დიდება შენდა“ (საეკ. საგალობელი).

— ქრისტე აღსდგა! ჩვენ ყველას გვეჩვენა! ახარეს თომას აღტაცებულმა მოციქულებმა. თომას არა სჯეროდა.

— საკუთარი თვალით ვიხილეთ აღდგომილი მოძღვარი, — არწმუნებდენ ამხანაგები. —

— ვერ ვენდობი თქვენს თვალებს. ჩემი საკუთარი თვალებისაც მემშინია, რადგან მხედველობა ხშირად ატყუებს ადამიანს. „უკეთუ არა ვიხილო ხელითა მისთა სახე იგი სამსჯეალთა და დავსხნე თითნი ჩემნი ადგილსა მას სამსჯეალთასა და დავსდვა ხელი ჩემი გვერდსა მისსა, არა სადა მრწმენს,“ — ბეჯითად იდგა თომა თივისაზე. გავიდა კოტა ხანი. მოციქულნი შეიყარნენ. თომაც მათთან იყო. „შევიდა იესო კართა ხშულთა და დასდგა შორის მათსა და და რქვა მათ: მშვიდობა თქვენთანა! მერმე პრქვა თომას! მოჰყვენ თითნი შენნი და იხილენ ხელნი ჩემნი და მოიღე ხელი შენი და დასდევ გვერდსა ჩემსა და ნუ იყოფი ურწმუნო, არამედ გრწმენინ. მიუგო თომა და პრქვა: უფალი ჩემი და ღმერთი ჩემი!“ ღრმა აზრიანი და დიდ-მნიშვნელოვანია ეს პატარა სცენა. ხშირად ამბობენ: იესო ქრისტეს აღდგომა ნამდვილი კი არა, უბრალო მოჩვენება იყო. მოწაფეებს წინდაწინ ჩანერგული ქონდათ ის აზრი, რომ ქრისტე უსათუოდ აღსდგება. დაუმატეთ იმას ძლიერი, მოტყინარე სიყვარული მოციქულებისა ქრისტესადმი და თქვენთვის ადვილი გასაგები იქნება, რომ მოციქულებს არც კი შეეძლოთ წარმოედგინათ, რომ მათი საყვარელი მასწავლებელი საბოლოოდ ჩავიდა საფლავში, ვით უბრალო მომაკვდავი. — და იგი კიდევაც მგზნებარე სურვილმა ქრისტეს მარადისობისამ შექმნა მოწაფეთა ოცნებაში სახე. მოჩვენება აღდგომილი შეუუისა და ამ ნიადაგზე ქრისტეს მიმდევრებს მოედო რწმენა, რომ იესო ქრისტე მართლად აღსდგა საფლავით.

კარგი და პატიოსანი, მაგრამ რა პასუხს აძლევთ ურწმუნო თომას? ადამიანი, რომელსაც სარწმუნო ამხანაგების სიტყვები არა სჯერა, ადამიანი, რომელიც თხოულობს საკუთარი თვალით დაანახონ აღდგომილი ქრისტე. კიდევ შეტი, ადამიანი, რომელსაც საკუთარი თვალისაც ეშინია და თხოულობს ხელით გასინჯონ ქრისტეს ხეულზე სახე სამსჯეალთა, რას იტყვი, ეს ადამიანი ავითმყოფ ოცნებითაა გატაცებული? აშლილი აქვს სულის ნორმალური განწყობილება? ამ ადამიანს მოეჩვენა ქრისტეს აღდგომა? ჭეშმარიტად კეთილი ურწმუნოება თომასი! ურწმუნოებით ურწმუნოებისა დამთურგუნველი თომა ამაცად სდგას თავის საყვარელ მოძღვრის საფლავთან მისი მკვდრეთით აღდგომის საუკუნო მოწმედ, და ამას იქით, ვისაც სურს იესო ქრისტეს აღდგომაზე ლაპარაკი, იგი თომას უნდა დაეკითხოს პირველად. უიშისოდ მის მსჯელობას არც თვას აქვს და არც უფლება.

ჩვენს საზოგადოებაში თქვენ ხშირად შეხედებით ვგრეთ წოდებულ „ურწმუნო თომებს.“ დაგვანახვეთ თვალით; მოგვაკიდებიეთ ხელი, ამბობენ ისინი, და მაშინ ჩვენც ლალად-ცყოფთ თომასთან ერთად: „უფალი ჩემი და ღმერთი ჩემი!“

საფუძვლის ძიება, საბუთების მოთხოვნა საეკლესიო და საქები თვისებაა ადამიანის პიროვნებისა. უამისოდ ადამიანი არც კია ამ სახელის ღირსი, იქვი. ურწმუნოება, ძიებიდან გამოქდინარე, სრულებით არ არის საშიში. კეთილშობილური, გულწრფელი იქვი ექებს. მოქმედებს, ქმნის და ამისთვის საჭიროც არის. სანამ საფუძვლად ედება მხურვალე ლტოლვა ჭეშმარიტებისადმი. მაგრამ არის მეორე ნაირი იქვი, მას მოსდევს სხვა-გვარი ურწმუნოება. თქვენ გაბსოვთ ფრანც მორი შილდერის? მოიგონეთ მისი დავა პასტორ მოხერთან, როცა მან, რაღაც უბედურების წინაგრძნობით შემოთებულმა, პირველად, თავის ხიკოცხლეში, ძკრწვია პასტორი.

ფრანცა (იქვი გულს მიღრღნის მარტოდ); ბრბოს ხაზობნქ! ბრბოს სიმხდალქ! ვერ ხომ არა

ვის დაუმტკიცებია, რომ რაც წავიდა, ის არ გა-
შქარდა, ან რომ ყოვლის მხედველი თვალი მე-
ფობს ვარსკვლავთ ზემო. არა - ეს საცოდავი
ხერელია, საღაც სიმხდალეს სურს შეძერეს.
კალიერია, ყრუა, არარაობაა იქ, ვარსკვლავთ
ზევით. მაგრამ მართლა რომ იყოს იქ რამე? არა,
არა, იქ არაფერი არაა. მე მსურს, ჩემი ბრძა-
ნებაა, რომ იქ არაფერი იყოს. მაგრამ თუ
არის? (მოზერს) „არ არსებობს ღმერთი!“ ახ-
ლა მე ხუმრობის გარეშე გელაპარაკები და
ვიმეორებ: „არ არის ღმერთი!“ აბა გამამტყუნე
მთელი შენი იარაღით, რაც კი მოგეძვევა.
ერთის შებერვით გაგიფანტავ მათ.

მაჩკრა: ყოვლის მხედველი ღმერთი,
რომელიც შენ ვსურს მოსპო მის ქმნილებათა
შორის, არ საქიროვებს მტერის პირით გამარ-
თლებას. მაგრამ თუ ასე მტკიცეა შენი რწმენა,
რა საქირო იყო ჩემი მოწვევა? რათ მიხმე ამ
შუალამეზე?

ფრანცა: მისთვის რომ, მომეწყინა. მომ-
ბეზრდა შეხმატის თამაში, და აი ამისთვის
გასართობად მომინდა ხუცესთან ღრენა. მე
წამიკითხავს, რომ მთელი ჩვენი არსება სისხლის
ბრუნვაა, მეტი არაფერი. უკანასკნელ წვეთთან
ერთად ცივდებიან აზრიც და სულიც. სული
ხორკის მოწაწილეა და მაშასადამე მასთან
ერთად გაქარწყლდება. ეს ჩემი შეილი ციხე
დარბაზი რომ დავანგრეო, აი ეს ვენერა, რომ
დავამსხვრიო, წყობილებაც და მშვენიერებაც
ალარ იქნებიან. თქვენს უკვდავ სულსაც ასე
დავმართებ...

მაჩკრა: ეს თქვენი სასოწარკვეთილების
ფილოსოფიაა, მაგრამ თვით თქვენი შიშით
მკერდში მითრთოლვარე გული გამხილებს
თქვენ. „შენ მომავლელი ხარ!“, აი ეს სიტყვები
გაგიწვევთ ობობას ქსელს თქვენი აზრთა წყო-
ბისას. მე გიწვევთ თქვენ — თუ სიკვდილის ეამ-
საც ასე შეუღდრეველი დარჩებით, თუ თქვენმა
რწმენამ მაშინ არ გიღალატოსთ, გამარჯვება
თქვენი იქნება. მაგრამ თუ მკირვოდენმა
თრთოლვამ ერთი წუთით მაინც შეგიპყრათ,
მაშინ ვაი თქვენდა: თქვენ მოსტყუვლით! მე
ბევრი მინახავს თქვენისთანა, მთელი სიცოცხლე

მამაცად ეწინააღმდეგებოდენ ქეშმარიტებას,
მაგრამ სიკვდილის ეამს მოტყუება ქარწყლი-
ბოდა. მე ვიდგომები თქვენ სასიკვდილო
სარეცელთან. მე მინდა კიდევაც შემოგხედოთ
თვალეში, როცა ექიმი აიღებს თქვენს ვაკი-
ვებულ ხელს, შემოგხედავს და მერე საში-
ნელის მხრების აწევით გეტყვისთ: „კაცობრი-
ული ღონე ფუჭია!“ გეშინოდეთ, ოხ, გეშინ-
ოდეთ მაშინ, რომ არ გამოჩნდეთ ვით რი-
ხარდი, ანუ ნერონი.

ფრანცა: არა, არა!

მაჩკრა: ეს „არა“ მოღალადე „ჰო“-დ
გადიქტევა მაშინ. შინაგანი ტრიბუნა, რომე-
ლსაც ვერასოდეს ვერ მოისყიდით უარყოფითი
საბუთებით, უცებ გაიღვიძებს და მოგიწოდებს
თავის სამსჯავროში.

ფრანცა: ხუცური ბოდვა! ხუცური
ბოდვა!

მაჩკრა: აბა! თქვენ უკვე იგრძენით სი-
მძიმე სიმართლისა. მე კი ჯერ არც კი დამი-
წყია მტკიცება. დავიწყეთ!

ფრანცა: გაჩუმდი! ჯოჯოხეთში გაემგზა-
ვრე შენის დამტკიცებით! ჩვენი სული მოიპა-
ბა, გელაპარაკები — არ მსურს შენი დამტკი-
ცებათა გაგონება... მე არ მინდა უკვდავი
ვიყო“. ფრანც-მოორის მაგალითებს ხშირად
იპოვნით ცხოვრებისა და ისტორიაში. რას
იტყვით? ფრანც-მოორნი თომას ადგილზე მია-
ძახებდენ: „უფალი ჩემი და ღმერთი ჩემი“?
შეეჭვება და აი რატომ. ჩახედეთ თომას გულ-
ში! კეთილშობილნი მისწრაფებანი ადამიანის
სულისა, მაღალი და სამარადისო მნიშვნელობა
ადამიანის პიროვნებისა, ლეტაებრივი აზრი
ცხოვრებისა, — აი რა არაკებს, რა იპყრობს
მის გონებას. თომას მხოლოდ ის აწუხებს,
იმაზე ზრუნავს, რომ ქეშმარიტება გამოცხად-
დეს, სიყვარულმა გაიმარჯვოს და რადუნათ
საყვარელია მისთვის ეს გრძნობა, ეს მისწრა-
ფება, ეგზომ ფრთხილად და სათუთად
ექცევა იგი მას, ეგზომ ვონიერი, ღინჯი და
მოსაზრებულოა მისი ყოველი ნაბიჯი.

სულ სხვაგვარია ფრანც-მოორთა სულის
განწყობილება. კივად და გულგრილად ეკიდე-

ბიან იგინი თავის კეთილშობილურ სულიერ მოთხოვნებს. მიწიერ, ხორციელ, დროებითი სიამოვნებით განისაზღვრება მათთვის ცხოვრების აზრი. მათ არა სწამთ ქეშმარიტებასიყვარულისთვის შორისი ღირებულება, მათ არ აფიქრებს სამარადისო მიზანი ადამიანისა. ისინი სიამოვნების ღიმილით მოგახსენებენ, რომ ადამიანი მტვერია და მეტი არაფერი; მწვავე სიცილით შეყურებენ მათ, ვინც საზეო მისწრაფებით ცხოვრობს, ვისაც მარადისობისკენ აღუპყრია თავლები. ქრისტეს აღდგომას და ღმერთკაცობის გამარჯვების ღღესასწაულს მათთვის აზრიც არა აქვს. იგინი თითქო სასწაულს თხოულობენ, საბუთებს ეძებენ და ამავე დროს ფარულ დაკინებით ამბობენ, ვით პილატე, გულის სიღრმეში: რა არის ქეშმარიტება? განა ღირს მათე დროს დაკარგვა? აი ბოროტი ურწმუნობა! იგი ღრღნის ადამიანის გულს. აცივებს მის კეთილ-მისწრაფებას. საშიშია ამ გვარ ურწმუნობით შეპყრობილი ადამიანი. მისთვის ქეშმარიტებაზე ლაპარაკი მასალაა ქეშმარიტებისვე გასაკიცხავი. მათთვის თქვა ლეთაებრივმა მოძღვარმა: „ნათესავი ბოროტი და მერუშე სასწაულსა ეძიებს. და აღესრულების მათ ზედა წინასწარმეტყველება იგი ისაიასი: სმენით გესმოდეს და არა გულისხმაყოთ, ხედვით ხედვილეთ და არა იხილოთ!“

ონოფრე მწირო.

ს ა უ ბ რ ე ბ ი.

მერვე საღამო.

კაცს უთუოდ უნდა ჰქონდეს სარწმუნობა.

პეტრე: ჩვენ საზოგადოებაში ოდესღაც სცხოვრობდა ერთი მოქალაქე, რომელიც თავის თავს განათლებულად სთვლიდა. რადგანაც ამისთანა კაცებს ჩვეულებად აქვთ მაღალი ფრანგებით ლაპარაკი და ტრამბზი განათლებით, ამიტომ მისი პირიდან ისეთი სიტყვების გაგონება შეიძლებოდა, რომ თავი უნდა გავგეჟნია და გეთქვა: არა, ქეშმარიტი

ქრისტიანი ვერე არა ლაპარაკობს. ერთხელ, ასე მგონია თითქო გუშინ იყოფო, ერთს ოფიციალურს კრებაზე მან სთქვა: სარწმუნოება უბრალო, სუფელ ხალხისთვის სრულიად საჭიროა, რომ სახელმწიფოში იყოს მშვიდობა და წესიერება, მაგრამ განათლებულ კაცს შეუძლიან უსარწმუნოებოთაც იყვენ; მისთვის სარწმუნოება საჭირო არ არის, რადგანაც იცის, როგორ უნდა მოიქცეს. ასე სთქვა მან, მაგრამ გავიდა შემდეგ ამისა ცოტა ხანი, და ის, ყველას გასაცვიფრებლად, თნდარმებმა მ-იკითხეს. განათლებული კაცი თურმე მხილებულ იქმნა სხვა და სხვა „მაშენიკობაში“, ეხლა დამწყვედეულია და მგონია ეხლა უფრო სერიოზულად გასაჯოს, საჭიროა თუ არა მისთვის, განათლებულისათვის სარწმუნოება.

თომა: რასაც ფიქრობდა სარწმუნოების შესახებ ეს განათლებული, ამას ჰქადაგობენ ეხლა, როგორც სასიხარულო ამბავს ყველასთვის განუჩველად. ისინი ამბობენ: სარწმუნოება სიჭირო არ არის და ამიტომ გაუქმებულ უნდა იქმნეს. დიდი ხანი არ არის, რაც მე „უფურცლებში“ წავიკითხე შემდეგი აზრი: „ღვთის განდევნა კაცის ტენიდან არის სულ უმაღლესი მიზანი სოციალდემოკრატიისა“

მღვდელა: მაგრამ, როცა ისინი მოქმედობენ უბრალო ხალხში, რომელიც სურთ მიიმზრონ, მაშინ უკან იხევენ. მაშინ ისინი ამბობენ: სარწმუნოება არის კერძო, პირადი საქმე,“ ე. ი. ვისაც სურს შეუძლიან მისდიოს მას; ისინი რომ პირდაპირ და გულახდილად ლაპარაკობდენ სარწმუნოების შესახებ, უბრალო ხალხში ბევრად ვერ გაიმარჯვებდენ; ეს მათ კარგად იციან და ამიტომ ვერა ჰბედავენ აშკარად იქადაგონ მათ შორისთვის უღვთობა. მაგრამ განა მართლა სარწმუნოება არის რაიმე მეტი, ურომლისოდაც ცხოვრება შეიძლება? შეიძლება, რომ კაცი იყოს უსარწმუნოებოდ? უპასუხებ: არა; კაცს აუცილებლად უნდა ჰქონდეს სარწმუნოება. მაგრამ, ვიდრე ამის დამტკიცებას შეუდგებოდე, მე მსურს გადავსწვეტო სხვა საკითხი, რომელიც ამბობს:

1. რა არის ქონა სარწმუნოებისა? სარწმუნოების ქონა არის, — გულში კეთილმსახურ გრძობათა ზრდა, რადგანაც აქ ძალიან ბევრია დამოკიდებული გრძობაზე. კეთილმსახური გრძობები ჩვენს უფლებაში არ არიან, არა აქვს ფასი ღვთის წინაშე. ვისაც ჰგონია რომ სარწმუნოება აქვს, რადგანაც ამა თუ იმ სარწმუნოებრივ ვარჯიშობათა დროს იმსჯელება სასიამოვნო გრძობით, ის ძალიან შემტდარია. ეს არის მხოლოდ ცარიელი გრძობიარეობა სასიამოვნო მოჩვენება, ოცნება.

აგრეთვე, შენ ჯერ კიდევ არა გაქვს სარწმუნოება, ღმერთიც რომ გრწამდეს და მონაწილეობას ღებულობდე გარეგან წესებში. მიტომ რომ სარწმუნოება არ მდგომარეობს მხოლოდ გარეგნობაში, არამედ აქვს საქმე პირველად ყოვლისა, ღმერთთან, ზეგრძობით არსებასთან. ქონა სარწმუნოებისა არის ცნობა ღვთისა უმაღლეს მეუფედ, უფლად, და აღსარება მისი მორჩილებით და სიყვარულით. ქონა სარწმუნოებისა, მაშასადამე, არის ცნობა და დამოკიდებულება ღვთისაგან და, მსგავსად ამ ცნობისა, მოწესრიგება თვისის ცხოვრებისა. ქონა სარწმუნოებისა ნიშნავს: გრწამდეს ღმერთი, სასოებლედ მაზედ, გიყვარდეს ყველაზე ძალიან და ეს ყოველივე გამოხატო ცხოვრებაშიაც მცნებათა აღსრულებით და დაწესებულ მაღლიან ღონისძიებათა მოხმარებით. ერთი სიტყვით, ქონა სარწმუნოებისა არის შინაგანად და გარეგანად პატივის ცემა ღვთისა. აქედან საკმარისად ცხადია, რომ სარწმუნოება მდგომარეობს არა მარტო გარეგან კეთილმსახურ გრძობებში, არამედ ის შეიცავს მთელს კაცს; მას უჭირავს კაცის გონებაც, ნებაც და გულიც.

სარწმუნოება არის საქმე გონებისა იმდენად, რადგანაც კაცი სცნობს ღმერთს და მის სისრულეს დაუმორჩილებს თვის გონებას ღვთივ განცხადებულს სიტყვას. ვისაც აქვს სარწმუნოება, მას არა თუ სწამს ღმერთი და მისი სიტყვა, არამედ სცნობს კიდევ, რო ღვთისაგან გამოდის ყოველივე კეთილი და ყოველი ნიჭი სრული და რომ ღმერთი ყველის ხელმძღვანელობს და გა-

ნაგებს. ასე ჰეიქობდა სარწმუნოების შესახებ ჯერ ისევ ძველი წარმართი ფილოსოფოსი პლატონი, რომელიც ასე ამბობს: პირველად ყოვლისა მოქალაქენი ღრმად დარწმუნებულნი უნდა იყვნენ, რომ ღმერთი არიან უფალნი და მეუფენი ყოვლისა, რაც კი არსებობს, და რომ ყოველივე, რაც აქ სრულდება ღ სწარმოებს, სწარმოებს მათი ნებით და გამგებით და რომ კაცთა ნათესავი ყველაფრით მათზეა დამოკიდებული“.

პეტრე: როგორ არცხვენს ეს წარმართი მრავალს ჩვენ თანამედროვეებს, რომლებსაც ეწოდებათ ქრისტიანები, მაგრამ რცხვენიათ კი ისინიონ სიტყვა „ღმერთი“, ან ამბობენ ხოლმე მხოლოდ: სვებედი, — ხვედრი, შემთხვევა, როცა საქმე ეხება ხოლმე კერძო კაცის ან მთელის ერების თავგადასავალს!

მღვდელი: მაგრამ სარწმუნოება არის საქმე არა მარტო გონებისა, არამედ უმეტესად ნებისაც, როცა კაცი თავს უმორჩილებს ღმერთს, ასრულებს მის წმიდა ნებას, აძლევს მას დიდებას და პატივს. მაშასადამე შენ გაქვს სარწმუნოება, თუნდაც რომ არაფერი არ იცოდე კეთილმსახურ, სანტიმენტალურ გრძობათა შესახებ, თუ მხოლოდ ღმერთს უმორჩილებ შენს ნებას და სცდილობ ემსახურო მას. ეს დიდი ნუგეშია იმ კაცისთვის, რომელმაც არ იცის, რა არის ცრემლითი ღმობიერება და ტკბილი გრძობები. მაგრამ ამით მე იმის თქმა კი არ მინდა, რომ სარწმუნოებაში გულს არა ჰქონდეს მონაწილეობა. პირიქით, სარწმუნოება გულის საქმეც არის, როცა კაცი სიხარულით მიენდობა ღმერთს და გულმხურვალედ იქმს თავის წმიდა საქმეს.

ჰეშმარტი სარწმუნოება მოიცავს მთელს კაცს, მიტომ რომ კაცი მთელის თავისის არსებით, სულით და ხორციით ეკუთნის ღმერთს. ამიტომ სხეულმაცა უნდა მიიღოს მონაწილეობა სარწმუნოებაში, ის უნდა დაეხმაროს მის სარწმუნოებაში ვარჯიშობას. გამოკდილება გვასწავლის, რომ იმათ, რომლებიც მონაწილეობას არ იღებენ სარწმუნოების გარეგანს წესებში და არ ასრულებენ მათ, არ აქვთ ჰე-

შმარტი სარწმუნოება. მორწმუნე კაცისთვის სულ ბუნებრივია და მისს მოთხოვნილებას შეადგენს გამოხატოს თვისი შინაგანი მდგომარეობა გარეგანს მოქმედებებში. „ვინც განზრახ არ იჩენს მოკრძალებას, ამბობს ერთი სულიერი კაცი. მას არა აქვს თბილი გული და მისი სარწმუნოება არ არის ჭეშმარიტი“.

პეტრე: რასა ბრძანებენ ამ წარმონათქვამზე ჩვენი გამოჩენილი კაცები, სახელმწიფო გვაშნი და მოხელენი, რომლებიც არ გამოხატვენ ხოლმე თავისს სარწმუნოებას გარეგანი ნიშნებით? იმათ რომ ყური დაუგდო, მორწმუნეებად გეჩვენებიან; მაგრამ ეხლა მოყვანილი სიტყვებით, მათი სარწმუნოება არ არის მართალი და ფასიც არა აქვს რა.

თომა: ეხლანდელს დროში ძალიან ბევრჯერ გვიხდება ხოლმე კითხვა „ეთიკურ მისწრაფებათა“ შესახებ, რომელსაც ეძლევა დიდ კაცობა. რას ნიშნავს, რამე ახალი სარწმუნოება ხომ არ არის?

მღვდელი: პირიქით, ამ მისწრაფებით სურთ აჩვენონ, რომ უსარწმუნოებოთაც შეიძლება ზნეობრივი იყვე. მაშასადამე, ამით უნდათ, ყველა სარწმუნოებანი გამოაცხადონ არა საჭიროდ და ამიტომ გაუქმებულებად. მაგრამ უსარწმუნოებოდ არ არის არაფერი ჭეშმარიტი ზნეობა; უსარწმუნოებო კაცთაგან ისევე ცოტას უნდა მოელოდე ზნეობას, როგორც ძირ მოკრილ ხეთაგან ნაყოფს. ზნეობითს ცხოვრებას თავისი საფუძველი აქვს სარწმუნოებაში და მისგან ღებულობს ძალასა და სიკოცხლეს. ღმერთი არის საუკუნო, ცხოველი, ზნეობრივი წესი, ამიტომ უღმრთოდ არ არის არაფერი ზნეობა.

მე გადავდივარ ეხლა მეორე ნაწილზე ჩემის საუბრისა სარწმუნოების შესახებ. მე ვამბობ:

რატომ უნდა ჰქონდეს კაცს სარწმუნოება უმჭველად? ჩემი შინაგანი დარწმუნებით, სარწმუნოება კაცისთვის საჭიროა:

ა) **მატომ, რომ ეს სურს და ამას თხოვს იყოს ღმერთი.** ყოველივე არის ღვთისაგან და ღვთით და უღვთოდ არაფერი არ

გაჩენილა, რაც ვი არის. ყოველივე მისი საკუთრებაა. ხოლო თუ ყოველივე ქმნილება გამოუკლებელად ეკუთნის ღმერთს, მაშასადამე ყოველივე და კაციც მას უნდა ემსახურებოდეს. ამიტომ უსაბუთოდ არ ამბობენ, რომ ღმერთმა ყოველივე გააჩინა თავისთვის და თვისის დიდებისთვის. ამიტომ, აქვს თუ არა კაცს ნება გამოვიდეს ამ მწყობრიდან და სთქვას: მე არ მინდა, არ ვემსახურები ღმერთს! მართალია კაცს აქვს თავისუფალი ნება და შეუძლია წინააღმდეგობაც გამოიჩინოს, მაგრამ დიდ ხანს გაგრძელდება ესა? სიკვდილის ცივი ხელი დაიჭერს მას და წარადგენს ღვთის სამსჯავროში იქნება უფრო ადრე, მინამ ის ფიქრობდეს.

პეტრე: ამ რიგად, ჩვენ ვალდებულნი ვართ ვემსახუროთ ღმერთს და დაუსჯელად არ შეგვიძლიან თავი მოვარიდოთ ამ მსახურებას.

მღვდელი: მაგრამ მსახურება ღვთისა ნიშნავს სხვას რასმე, ვიდრე სარწმუნოების ქონას. და ეს მსახურება ღვთისა არის მიზანი მთელის ჩვენის ცხოვრებისა, რადგანაც ჩვენ ვართ მისი სამკვიდრებელი, მისი საკუთრება, მუდამ მისს დამოკიდებულებაში ვიმყოფებით. ღმერთს აქვს წმიდა უფლება ჩვენის სულის თვითეულს აზრზე, ჩვენის მაჯის თვითეულს ცემაზე, ჩვენის ხელფეხის თვითეულს მოძრაობაზე. ერთი სიტყვით ყოველივე, რაც ჩვენს ვაკვს ეკუთნის მას ჩვენის ცხოვრების დასაწყისიდან დასასრულამდე. ამიტომ ღმერთს უფლება აქვს მოითხოვოს ჩვენგან მუდმივი შეუწყვეტელი მსახურება, ე. ი. ჩვენ უნდა გვქონდეს სარწმუნოება მთელს ჩვენს სიკოცხლში. ამ რიგად კაცს უნდა ჰქონდეს სარწმუნოება მითომ, რომ ამას ითხოვს ღმერთი. მაგრამ ეს საჭიროა სხვა მიზეზითაც. სახელდობრ:

ბ) **მატომ რომ ამას მოითხოვს თავთ კაცის სარგებლობა.** კაცი შექმნილია ღვთისაგან და ღვთისათვის, ყველა ქმნილებათა შორის მხოლოდ მას ერთს აქვს ცნობა ღვთისა, რადგანაც ის დანიშნულია ღვთისათვის, ღმერთი არის მიზანი, რომლისკენაც კაცი იწონება და მისწრაფის. როგორც ქვა, ზევით ავდებუ-

ლი; ისევ მიწაზე ეცემა, როგორც კაცის სხეულის წვერი, ამოვარდნილი ბუდიდან, ტკივილს გრძნობს იმ დრომდე, ვიდრე თავის ადგილზე არ ჩაჯდება, როგორც მანეტი ყოველთვის ჩრდილოეთისკენ მიიქცევა ხოლმე, ისევე კაცის სულიც, თუ ის საღია, მუდამ მიიწევს ღვთისაკენ. და მხოლოდ ღმერთში ვპოვებთ ჩვენ განსვენებას და კმაყოფილებას. ეს იცოდა დიდმა სულმა ნეტარის აგვისტინესამ და ამიტომ ჩვენდა სამოძღვრებლად მან დაგვიტოვა ასეთი სიტყვები: „ვერ არის კაცის გული მოსვენებით იმ დრომდე, ვიდრე არ პოუვებს განსვენებას ზენში, უფალო!“.

ა. პ.

(შემდეგი იქნება...)

ტეშმარიტი გმირობა

ერთხელ, როდესაც სპარსეთის შახი პარიზში იმყოფებოდა სტუმრათ, ერთმა ვიღაც გაიძვრა მოინდომა ესარგებლნა ამ გარემოებით და გამდიდრებულიყო ეშმაკობით. მან მოიფიქრა, თითქო უნებლიეთ, შახის ეტლის ქვეშ მოყოლოდა, და იმედოვნებდა, რომ შახი იმას უხვად დაასაჩუქრებდა.

დიდ ხანს ცდა არ მოუნდა. შახის მოსვლის მეორე დღეს უმთავრეს ქუჩაზე უცებ გამოსჩნდა მდიდრად მორთული ეტლი, რომელსაც ექვსი თეთრი ცხენი მოხდენილად მოაქანებდა. მოსამსახურეები, ძვირფას ტანისამოსებში გამოწყობილები, ეტლის კოფოზე და უკანა სადგომზე აყვირებდნენ საკრავებს.

გაიძვრამ იფიქრა, ამ ეტლში უსათუოდ შახი იჯდომებო და ჩაუვარდა ცხენებს ფეხქვეშ. მაგრამ იმედი შწარედ გაუცრუვდა. თურმე შახი-კი არ ყოფილა, ეს ყოფილა ცარიელი ეტლი, ახალი საპნის ქარხნის განცხადებით. ქარხნის პატრონს ეტლი რაც-კი შეიძლებოდა, მდიდრულად მოერათო იმ მიზნით, რომ თავის ქარხნის განცხადებისთვის საზოგადოების განსაკუთრებული ყურადღება მიექცია.

ასეთი შეცდომა უბედური გაიძვრასი, სამწუხაროდ, ხშირად მოხდება ნასწავლემში-

დაც, ისტორიკოსებშიდაც და შწერლებშიდაც, საზოგადოდ ხალხში, რომელიც აფასებს ამა, თუ იმ ისტორიულ მოქმედ პირს. ისინიც, პარაფის გაიძვრას მზგავსად, მსჯელობენ აგრეთვე გმირის ეტლის ბრწყინვალეების და რიხინის მიხედვით. დიდი ამბით, ხმაურობით გაიბრინა ეტლმა, ხმამალა უკრავდნენ საყვირებს დაქირავებული მოსამსახურეები, ავარდა უკან მტვერის კორიანტელი, — სჩანს, დიდმა პირმა გაიარა. დიდი ადამიანის მოქმედებს ღირსება, მაშასადამე, ფასდება ეტლის რიხინის ხმაურობის მიხედვით, და არა სიარულის განზრახვით და მიზნით, და არა ჭანზრახული მიზნის განხორციელების ხასიათით.

აიღეთ ძველი დროის შესანიშნავი გმირი — მაკედონიის მეფე ალექსანდრე. აბა რა გააკეთა ასეთი რამ დიდი, დიდებული ამ შესანიშნავმა გმირმა? იმან, ოცდა ათი წლის კაცმა, დაიპყრო თითქმის მთელი ნაზევარი ქვეყანა. რაში გამოიხატება აქ მისი განსაკუთრებული ნამსახურობა? იქნება მას თავს-ესხმოდნენ მტრები, და ის თავგანწირულებით ეომებოდა და სდევნიდა მათ? — არა, იმას ხელს არავინ ახლებდა; ის თითონ ვადიოდა ზღვებს, ვადადიოდა მთებს, რომ სხვების სამფლობელოში შევარდნილიყო, ხალხებს დასცემოდა, სრულიად უცნობებს, რომლებსაც არასოდეს არსად არ გაუგონია მისი სახელი და მისი სამეფო. იქნება დაპყრობილ ქვეყნებს მან მისცა საუკეთესო კანონები, წეს-წყობილება, ააუვავა მათში მეცნიერება, ხელოვნება? არა. დაიმორჩილა-თუ არა მან დესპოტიური სპარსეთი, თითონ შეიქმნა დესპოტაც, შემოიღო თავის სასახლეში დესპოტიური ზნე-ჩვეულებანი, მოითხოვდა თავისუფლების მოყვარულ ბერძენ-მაკედონიელთაგან მონურ პირფერობას. მისგან დაარსებულმა უდიდესმა სახელმწიფომ დიდ-ხანს ვერ იარსება. ჯერ-კიდევ არ გაციებულნიყო მისი გვამი, რომ მისმა სარდლებმა გაიყვეს მისი სახელმწიფო ერთმანეთში, და დაიწყეს ერთმანეთთან დაუსრულებელი ომები.

მაშ რაღათ იღწვიოდა ამნაირათ ალექსანდრე, რათ სჩადიოდა ასეთ ხმა-მალად სამხედრო

საქმეებს? იქნება ამას სხადიოდა სამშობლოს საკეთილ-დღეოდ, თავის ქვეყნის გასამდიდრებლად და ასაყვავებლად? არა. თავისი ქვეყანა, მაკედონია, ამოდენა დაუსრულებელი ომებით მან ააოხრა. მაკედონიის დიდება იმისთვის ძვირფასი არ იყო. ის იყო გამსჭვალული თავის საკუთარი დიდების სურვილით. როდესაც მისი მამა ფილიპე ჯერ კიდევ ცოცხალი იყო, რომელიც აგრეთვე ბევრს ომობდა გამარჯვებით, აღექვსანდრეს არ უხაროდა ეს გარემოება; პირიქით, დიდად-ნაწყენი შურის ცრემლებით სტიროდა და ამბობდა: „მამა მთელ ქვეყანას დაიპყრობს, და მე აღარაფერს დამიტოვებს“.

ეს იყო კაცი, რომელიც სცხოვრებდა თავისი პირადი დიდებისათვის, რომ მისი სახელი მთელ ქვეყანაზე განთქმული ყოფილიყო. და მართლაც, მისმა ეტლმა გაიბნინა ქვეყანაზე დიდის ამბით და რიხინით. მაგრამ რა იყო შიგნით ამ ეტლში, რომელიც ვარედგან მოაქვრილი სჩანდა? რა კვალსა სტოვებდა იგი თავის შემდეგ?—ბევრი სოფელი და ქალაქი აოხრდა, მრავალი ხალხების ცხოვრების განვითარება დიდი-ხნობით შეჩერებულ იქნა, მოკლულ და დასახინრებულ იქნენ ასიათასობით ადამიანები, რომლებსაც ერთი-ერთმანეთში არავითარი მტრობა არა ჰქონიათ. და ყოველივე ეს-კი ხდებოდა მხოლოდ ერთი კაცის დიდებისთვის. არა კეთილი დიდებაა ასეთი დიდება; გეროსტრატის დიდებაა. მის წინაშე ქედის მოხრა, მისი გმირად ჩათვლა-ეს იგივეა, რაც ჩაუარდა რიხინით მომფრინავ ეტლს ქვეშ...

აიღეთ კიდევ სხვა გმირი, ახალი დროის გმირი—ნაპოლეონი. მისი სახელი ჰქუხდა მთელ ქვეყანაზედ. მას ადიდებდნენ ლიტერატურის გენიოსები; ისტორიკოსებმა შეადგინეს მასზედ მწერლობა, მთელი მთები ქაღალდისა, მას ემორჩილებოდნენ მთლად ხალხები; ადამიანები ათასობით მხათ იყვნენ სიხარულით დახოცა-ლიყვნენ მისთვის.

ერთხელ როდესაც ნაპოლეონი ომის წინ ჯარის ათავლიერებდა, მოიხმო სარდალი და უთხრა: „გენერალო, მე ვაშაყობ თქვენს პოლიკით“. გენერალი აწითო სიხარულისაგან, და

უთხრა,— „მე სრულის ბედნიერებისათვის ის და დამრჩენია, რომ თქვენ თვალიწინ მოგვედღე“. მართლაც, მეორე დღეს, ომის დროს, იმან მოიხელია დრო, როდესაც ნაპოლეონი თავის მხლებლებით მოდიოდა, უგუნურის გაბედულობით მივარდა ფეხით მიმავალ ჯარს, და მაშინვე შუბებით განიგმირა.

ეს საბრალო კაცი ჩაუვარდა სიკვდილს ხელში არა კაცობრიობის კეთილ-დღეობისათვის, არა სამშობლოს ხსნისათვის; არამედ ახლოს მიმავალ ნაპოლეონის დიმილისთვის. განა არა ჰგავს ეს სიკვდილს „საპნის“ ქარხნის ეტლის ქვეშ?

ბრწყინვალეა ნაპოლეონის დიდებისა იყო მხოლოდ გარეგნული ბრწყინვალეობა, რიხინით მიმფრინავ „საპნის“ ქარხნის ეტლისა. მასში არ იყო არაფერი ის, რაც არის „ქეშმარიტად დიდი“, „მეფურად-მშვენიერი“. როდესაც ის თავის მეომრებით შევიდა მცირე აზიაში, იმას დიდი ძალა მოუნდა იაფფის გამაგრებული ციხის ასაღებად. ბოლოს, როგორც იყო, ქალაქი აიღო; მაგრამ ოთხი ათასი მეომარი მუსულმან-ალბანელები და არნაუტები ჩაუსაფრდნენ ქალაქის გამაგრებულ შენობებში, არ ნებდებოდნენ და სროლა აუტყვეს. ნაპოლეონის პირადმა აღიუტანტებმა სთხოვეს გულად ვაე-კაცებს, რომ ისინი მათ დანებებოდნენ, და შეფიცეს ჯვარსა და სახარებაზე, რომ იმათ თავისუფლად გაუშვებდნენ. თათრებმა დაუჯერეს ქრისტიანების ფიცს, და დაჰყარეს იარაღი. მაშინ ისინი მოიყვანეს ზღვისპირს, გარშემო შემოარტყეს ჯარები, და ყველანი—სამი ათასზე მეტი უიარაღო კაცი,—დახვრიტეს.

ფრანგების ჯარში გაჩნდა შავი ქირი. სალდათები ასობით იწვნენ ქირით შეპყრობილები; მათი სიარული შეუძლებელი იყო. მაშინ ნაპოლეონი მოუწოდებს ჯარის უმაჯრეს ექიმს და ეუბნება მოსწამლოს შხამით ყველა ეს უბედურები, რომლებიც თითონ მან მოახეტა აქ, შორეული სამშობლოდან.

იციო, ექიმო;—ამბობს ნაპოლეონი, მე ვფიქრობ, თქვენ კარგს იხამთ, თუ ყვე

ლა ავადმყოფებს მისცემთ წამლის სახით სასიკვდილედ საწამლავეს.

— მე მისწავლია ავადმყოფობის მორჩენა, — უბასუხებს ექიმი, — ხოლო ჩემი მოძმეების დახოცვა არ არის ჩემი ხელობა.

მაინც ავადმყოფები, ვილაცას შემწეობით, ყველანი დაიხოცნენ, და ნაპალეონმა, ამით შესუსტებულმა, გასწია წინ.

როდესაც შემდეგში, რუსეთის საზღვრებიდან წასვლისას, ნაპალეონი იძულებული შეიქნა დაეტოვებია თავისი საგზაო ეტლი და ცხენით გაქცეულიყო, მაშინ მის მიერ დატოვებულ ეტლში იპოვნეს ყალბი რუსული ფულების მოსაჭრელი მანქანა.

განა ასეთი კაცის ალყანა ისტორიის პიედესტალზე, გმირად დასახვა მისი — არ ნიშნავს კაცობრიობის შეურაცყოფას, ქვეშარტი გმირობის არ ცოდნას, არ ცოდნას კაცის სულის ნამდვილი სიდიადისას? განა მის წინაშე თავის მოხრა არ ნიშნავს შეცდომით, საბრალო პარიველივით „საპნის“ ბრწყინვალე ეტლ ქვეშ ჩაყარდნას?

ქვეშარტიად დიდი არის მხოლოდ ის, ვინც შეჰქმნა რაიმე დიდი. ნაპალეონს ამისთანა არა შეუქმნია-რა. იმისი სურვილით ხალხები უღეტდენ ერთი მეორეს და არ იცოდნენ რათ და რისთვის. გაჩაღებული იყო საშინელი ომები. ჯოჯოხეთური მთა დახოცილი ადამიანების გვამებისა თანდათან იზრდებოდა, და მის თავზე ცივი ღიმილით იდგა პატარა მსუქანი კაცი, სახელიად ნაპალეონი, და დამშვიდებული ხელის ქნევით ანიშნებდა: „კიდევ და კიდევ“! მთელი მისი ცხოვრება წარმოადგენს უმგვანო მაგალითს მოყვასთა ბრიყვულად ფეხით გაქეღვისას იმ მიზნით, რომ იმათ გვამებზე, როგორც კიბეებზე, მაღლა-მაღლა ასულიყო. — ეს არ არის ქვეშარტი სიდიადე; — ეს არის რიზინი და ბჭყერიალი „საპნის“ ეტლისა, რომელიც მიზნობდა საბრალო ადამიანების გვამებზე. არა, არა აღექსანდრე მაკედონელები, არა ნაპალეონები არიან ქვეშარტი გმირები კაცობრიობისა.

არ შეიძლება ჩაითვალოს ქვეშარტი გმი-

რებად აგრეთვე ისინიც, რომლებიც „გამხნეების წუთებში“ სჩადიან თავგანწირულების საქმეს, თუმცა-კი ასეთ ადამიანებს გმირობის გული აქვთ.

შვეიცარიაში სახალხო გმირის სახელი აქვს გავარდნილი ვინმე ვინკელირდს. ამ ხუთასი წლის წინეთ შვეიცარიელები ებრძოდნენ ავსტრიელებს სამშობლოს დამოუკიდებლობისათვის. ზემპახთან მოხდა გადამწყვეტი ბრძოლა. ავსტრიელი რაინდები, რკინაში ჩასხმულები, დიდი-ვევებრთელა შუბვებით, როგორც შესაზარი ზღარბები ამდგარი ნემსებით, მიდიოდნენ ცულებით შეიარაღებულ შვეიცარიელ გლეხებზე. შვეიცარიელებს არ შეეძლოთ დაეტოვებინათ არც ერთი ავსტრიელი. მაშინ ვინკელირდმა, წაიყვანა რამდენიმე გულადი ამხანაგი ის მიყარდა რაინდების რკინის ჯაგარს, ჩაბლუჯა ერთი ილლია შუბვებისა, და კიდევ განგმირულ იქმნა მოწინააღმდეგეებიდან, ის დაეცა მკვდარი, მაგრამ მისი ამხანაგები გაგულიანებულები შესცივდნენ ავსტრიელების შუა გულში, და ძალზე დაამარცხეს ისინი. შვეიცარია განათვისუფლდა. ვინკელირდის სიკვდილმა მიანიჭა მათ თავისუფლება, და მადლიერი სამშობლო მოწიწებით იხსენიებს ვმირის ვინკელირდის სახელს.

პარიზში მდინარე სენაზე სხვა ბევრ ხიდეებთა შორის არის კიდევ ერთი ხიდი არკოლისა, რომელსაც ეს სახელი დაერქვა პატივსაცემად ჭაბუკის არკოლისა. პარიზის ქუჩებზე იყო საშინელი ცემა-ტყევა და უღეტა. საქირო იყო გასვლა ხიდზე, რომელსაც საშინლად უშენდენ თოფებს იქითა ნაპირიდან. ხიდზე გამსვლელები გაჩერდნენ შეშინებულები. მაშინ ხალხიდან გამოდის ერთი ჭაბუკი და ყვირილით: „წინ! ჩემი სახელი არკოლია“, — ვარბის ხიდზე. ის მაშინვე ტყვიებით განგმირული უსულოთ ეცემა ძირს, მაგრამ მისმა მაგალითმა გაამხნევა სხვები. ყველანი მიბყენენ მას უკან, აჯობეს მოწინააღმდეგეებს და საქმე მოიგეს.

ვინკელირდსაც, არკოლსაც, და ათას იმათ-გვარ თავგანწირულ ადამიანებსაც, უეტველია, აქვთ გმირული გული, მაგრამ იმათ

ბევრსა შველის მოწყობილება. ისინი მოქმედებენ ათასი ადამიანების თვალ-წინ, იმათ ამხნევებს ხალხის ქება, იმათ ელანდება დიდება შთამომავლობაში. ყოველივე ეს იმათ ამხნევებს აძლევს ძალას, აბედვინებს გმირობას. სულ სხვა საქმეა მარტოდ მარტო მოქმედება უქება-დიდებად, უმწეოდ, უნუგეშოდ, და მოქმედება გმირულად არა ერთი საათი, არა ერთი-ორი წამი, — არამედ მთელ სიცოცხლეში, გრძელი წლები, დღითი-დღე, სადაც, უბრალო მოწყობილებაში. აქ არის საჭირო დიდი, გამოუღვეველი სამზადისი გმირობისა. უცებ გაელვება; ერთ წამს განათება ცის კიდიდან კიდემდე შეუძლიან ღრუბელსაც, ელექტრონის ძალის მქონებელს, შეიძლება ისიც მხოლოდ ერთხელ და უკანასკნელად გარნა რომ მუდამ ანათებდეს, ანათებდეს განუწყვეტლად და ერთნაირის ძლიერებით, საჭიროა მზედ ყოფნა. და ჩვენ ღრუბლებს იქით ხშირათ მთელი დღეების და კვირების განმავლობაში ვერ ვხედავთ თითონ მზეს, მაგრამ სითბო და სინათლე, რომელნიც აცხოველებენ ყოველივეს, მისგან გამოდიან.

მე მაგონდება, რომ რამდენიმე წლის წინეთ, ხალხის შიმშილობის ღროს, შევხვდი მიყრუებულ ადგილას ერთ სოფლის ეკიმს. ის დილის შვიდ საათზე გამოდიოდა გარეთ და ბრუნდებოდა სახლში ღამის თერთმეტ საათზე. და ასე ყოველ დღე რამდენიმე ხნის განმავლობაში. გარშემო სოფლებში ათასობით იწვნენ გადაძვლები სწვით აუადმყოფები, და ის ერთი მუშაობდა მათში.

როგორ იტანთ ასეთ შრომას, ეკიმო? — ვკითხე მე. — ეს ხომ კატარგაა.

რა ეუუო მაშ? საჭიროა აქ მუშაობა, უბრალოდ მიზსუხა ამ მოღვაწემ.

მაგონდება კიდევ სოფლის მასწავლებელი — ახალიგაზდა ქალი. იმასთან არიან მოხუცებული დიდდა, ავადმყოფი დედა, ორი პატარა და. ჯამავირი ოკუ თუმანი აქვს წელიწადში. მასწავლებელი მიუხედავად ამისა შრომობს მხნედ, სკოლი ჰყვავის.

— რითი სცხოვრობთ აქ? — ვკითხვებიან ნაცნობები.

— ჩვენ რა გვიშავს! ჩვენ ბატონებოვით ვართ, — უბასუხებს მასწავლებელი. — თქვენ შეხედეთ ზოგიერთ ადამიანს. თქვენ ნამდვილად გაკვირდებით, რითი სცხოვრობენ ისინი.

აი ესენი არიან ქეშმარიტი გმირები, გმირები სიკეთისა, მუშაქანი საუკუნო საქმისა, ღვთის სასუფეველის დამყარებისა ქვეყანაზე. ასეთი ადამიანები გადიან თავიანთ ცხოვრების გზას შეუძმნველად; მაგრამ იმათ, როგორც მზის სხივებს, ყველგან შეაქვთ სინათლე და სითბო. ამ სხივებს ჩვენ ხშირად ვერ ვაშინევთ, მაგრამ ცხოვრებას კი აჩნევია მათი ცხოველმყოფელი ძალა.

ასეთ გმირობის ვითარებაში, სიყვარულის გმირობის მუდმივ სამსახურში უნდა აღიზარდოს ახალგაზდა თაობა. ამ გმირობისადმი უნდა ვისწრაფოდეთ ჩვენც. ქეშმარიტი გმირობა დიდ ნმაურობაში კი არ არის და გარეგან ბრწყინვალეობაში, — არამედ სიყვარულისა და სიმაართლის მუდმივ კეთილ სინდისიერ სამსახურშია, რანაირი გარემოება და მოწყობილება უნდა იყვეს, ხალხთან იქნება, თუ უხალხოდ, ქება მოგველის, თუ დაცინვა, გამარჯვება თუ დაბრკოლება...

ვანათში ნამყოფი.

კვირიდან-კვირაძლე.

როგორც ხმები დადის უწ. სინოდის ობერ პროკურორი საბლერი ტოვეტს თავს პოსტს დაახლოვებით 6 მაისს. მისთან ერთად გადის სამსახურიდან მისი ამხანაგი დამანსკი, რომლის ჯანმრთელობა ამ უკანასკნელ ხანებში შელახულია. ობერ პროკურორის პოსტს დაიკავებს გაზეთების ცნობით, მოსკოვის სამოსწავლო ოლქის შრატუნველი ტიხომიროვი.

(P. V.)

როგორც გაზეთები გადმოგვცემენ აღდგომის კვირაში მოხდებოდა მიტროპოლიტ ვლადიმერის პატრიარხათ გამოცხადება.

როგორც ვიცით ყოველწლივით ჩვენში ჩამოდიან ურმიაში და კურდისტიანში მცხოვრები სირიელები, რომლებსაც სამშობლოში ეზარებათ მუშაობა და აქ ატყუებენ ხალხს, ვითომც მუსულმანები მათ ავიწროებენ, როგორც ქრისტიანებს. აგროვებენ ბევრ ფულს და იღებენ ჯიბეში. უწ. სინოდმა გაუგზავნა ეპისკოპოზებს განკარგულება, რათა მათ თვალყური ადევნონ ასეთების გაჩენას ეპარქიებში და აცნობონ მთავრობას, რომ დაამკვიდრონ ისინი სამშობლოში.

პეტერბურგის აკადემიის რექტორმა ეფ. გიორგიმ ნება დართო გაემართათ ჩვეულებრივი საღამო ღირბ სტუდენტთა სასარგებლოთ. მიტროპოლიტმა ვლადიმერმა საყვედური გამოუცხადა რექტორს ამის თაობაზე. განსვენებული მიტროპოლიტი ანტონი თანაგრძნობით ეკიდებოდა ასეთ საღამოებს და შეწირულება-საც იღებდა თავის მხრივ. მიტროპოლიტმა ვლადიმერმა მაშინ დართო საღამოს ნება, როდესაც ეფის. გიორგიმ უთხრა, რომ ყველა ბილიეთები დაყიდულია და საღამოს გადადება აწი შეუძლებელია.

გაზეთების ცნობით უწ. სინოდმა მიანდო ორლოვის ეპარქიალურ მთავრობას, წარუდგინოს ახსნა მისი, თუ რა მიზეზის გამო მოიკლა თავი ორლოვის სემინარიის მეექვსეკლასის მოწაფემ, რომელიც 3 აპრილს ღამით მატარებელს ჩაუვარდა ბობლებში. ამას აქცევენ განსაკუთრებულ ყურადღებას, რადგან ამ უკანასკნელ წელს ეს მგოთხე შემთხვევა თვითმკვლელობისა.

ქალაქ ოსტროუში მორყიით მოიწამლა თავი მღვდელმა პრეობრაჟენსკიმ, რომელსაც ლოთობისა და მეძაობის გამო აუკრძალეს მღვდელ მსახურება და მდდაიონის თანამდებობაზე გადიკენეს.

ჩვენმა ღიღებულმა მგოსანმა აკაკიმ მოათავსა გაზ. თემში მოკლე, მაგრამ ღრმა შინაარსიანი წერილი შოთას ძეგლის დადგმის შესახებ. აი თვით წერილიც:

8 საუკუნეა მას შემდეგ, რაც რუსთველი მოკვდა. მას აქეთ ბევრმა წყალობა ჩაიარა. ვინ იცის რამდენი მოდგმა ქართველებისა გადავიდა? ვინ მოსთვლის, რამდენი მეფეები მიიკვალენ და მათი სახსენებელიც არსად არის და რუსთველმა, ამდენი ხნის განმავლობაში გულში დამარხულმა, ამოჰყო თავი და აღსდგა მკვდრეთით! აღიძრა საზოგადო სურვილი რომ, შეადგინონ „რუსთველის საზოგადოება“ და თვალ-საჩინო ძეგლი აუგონ მგოსანს. საყვირველია, რომ ეროვნული თანაგრძნობა თბვის ნებით ძალ-დაუტანელიად, აღიძრა ყოველ ქართველში. მივულოცავ დღევანდელ ქართველობას — ეს დიადი სასახელო საქმე მას ხელა წილად!.. უკვდავ მგოსნის შესწავლა და ძეგლის დადგმა თვით ერის უკვდავებაა და მარადისობა.
აკაკი.

განსვენებულ არჩილ ჯორჯაძის მიერ დატოვებული წერილები და ხელნაწერები ინახება ამ ეამად თბილისში წერაკითხვის საზოგადოებაში. დანატოვარს შეადგენს: 1) **კონვენტი ლაქა დაკრული**, რომელზედაც არჩილის ხელით წაწერილია შემდეგი: „ამ ქალაღების გახსნის უფლება აქვს მხოლოდ კიტა აბაშიძეს ჩემი სიკვდილის 5 წლის შემდეგ; ქალაღები უნდა ინახებოდეს „სახალხო გაზეთის“ ან მის მიმდევარ გაზეთის რედაქციაში, 2) **ტავის პორტფელი**, რომელშიაც ინახება მიწერ-მოწერა; 3) **ქალაღის პორტფელი**, რომელიც შეიცავს არჩილის თხზულების მებუთე ტომისათვის დამზადებულ მასილას; 4) **ქალაღის პორტფელი**, რომელშიაც აწკვია მისი ზოგიერთი ხელნაწერი.

წერაკითხვის საზოგადოებას იმიტომ ვარდაეცა ყველა ეს, რომ საკვდილის წინა დღეებში თვითონ განსვენებულმა გამოსთქვა ეს სურვილი და შესცვალა წინანდელი.

აკაკი პარასკევს, 12 აპრილს, ვაემგზავრა საჩხერეს. ამ ეამად ჩენი მგოსანი სწერს ერთს ნაწარმოებს, რომელსაც სათაურად ექნება „სიზმარი“ ამ მის ახალ თხზულებაში დახატული იქნება შოთა რუსთველის ცხოვრ-

ბა იერუსალიმში და აღსანილი იქნება, თუ როგორ შექმნა ჩვენმა მაკისკროვნებელმა გენიოსმა თავის დიდებული ნაწარმოები. (თემი)

ამ დღეებში შთაფრობას წარედგინა წესდება ახალი საზოგადოებისა, რომელსაც სახელად აქვს „ქართველ პოეტის შოთა რუსთველის სახელის საზოგადოება“. მიზნად დასახული აქვს: 1) შესწავლა შოთას ცხოვრებისა და მისი ნაწარმოებისა; 2) ხელის შეწყობა ქართულ ლიტერატურის და ხელოვნების შესწავლისა და განვითარების საქმეში; 3) შეკრება და შესწავლა ქართულ ზეპირ-სიტყვაობისა. საზოგადოების მოვალეობას შეადგენს აგრეთვე ძეგლის აგება როგორც შ. რუსთველისათვის, ისე სხვა ვამოჩენილ ქართველ მწერლებისა და ხელოვანთათვის. საზოგადოების საქმეებს განაგებს საბჭო. თვით საზოგადოებას შეადგენენ: 1) წევრნი—დამფუძნებელნი, 2) წევრნი საპატიონი, 3) წევრნი ნამდვილნი, 4) წევრნი—დამხმარენი და 5) წევრნი კორესპონდენტნი.

კიევში დაატყვევეს იოანიტების ორი მეთაურთაგანი—კარგაჩევის ქალი და გოლუბკოვი. კარგაჩევის ქალი უწოდებდა თავისი თავს კრონშტადის ღვთის მშობელს, გოლუბკოვი კი—ოთანე ღვთისმეტყველს. მათ უბოვეს საბჯთები, რომლებიც აშკარას ყოფენ, რომ ნათ გაუცარცვათ იოანიტი ვარლამოვი პავლოგრადის მარხის მცხოვრები. მცარცველებს საშინლად უწვავლებიათ ღ წაურთმევიათ 42,000 მ. და აგრეთვე იძულებულ უყვიათ მოეწერა ხელი რამოდენიმე დიდ თანხიან პირობის ქაღალდებზე. (3არ.)

გაზ. „კოლხიდის“ სააღდგომო წერილები.

გაზ. „კოლხიდის“ №22 სააღდგომო წერილებითაა გადაჭრელებული. მთელი პირველი გვერდი ამ წერილებს უკავია, თუ არ ვიანგა-

რიშებთ ჯაჯუ ჯორჯიკიას უცნაურ და არ ვიცით რა აზრით დაწერილ „აღრიანოპოლის დაცემას“ (?), ცოტა რამ მეორე და მესამე გვერდზედაც არის.

პირველი შეხედვით მორწმუნე კაცის გული რალაც სიამოვნებას იგრძნობს, გვეგონებათ ჩვენი ინტელიგენცია მორჯულებულა, მოქცეულა, მაშა პაპათა სარწმუნოებას ბოლოს არის უფეთქნია მათ გულში და სავსებისიგან გული საენანი მეტყველებენო. მაგრამ წინასწარისიხარული: შეუდგებით თუ არა წერილების კითხვას, ურწმუნოების ისეთი ცივი ქარი დაგბერავსთ, რომ გაზეთი უნებლიეთ ხელიდგან გივარდებათ და გაკვირვებული ეკითხებით ავტორებს: ბატონებო! რას ირჯებით, ვინ გეძალდებათ სააღდგომო წერილების წერას, დაჩუმდით და, თუ კარგია, თქვენ გულში შეინახეთ თქვენი ურწმუნოების ჯოჯოხეთი, რათ გინდათ, რომ სხვას გაუზიაროთ თქვენი ნეტარება?

პირველი წერილი „აღდგომა“ „ისარს“ ეკუთვნის. „აღსდგა ქრისტე მკედრეთით!“—რიხიანათ იწყებს ისარი, „დათრგუნა სიკვდილი და გვიანდერძა სიცოცხლე; (ხოლო) სიცოცხლე არის მორიგობითი ცვლა მოქმედებისა და მოსვენებისა“.

მეტი არაფერი? განა ღირს ამისთვის სიცოცხლე? ან რათ დასჭირდა ასეთ სიცოცხლეს სიკვდილი და აღდგომა ქრისტესი? რა გაუკეთა ქრისტემ თავის ჯვარცმით ამ სიცოცხლის მიზანს, ამ „მოსვენების და მოქმედებს მორიგობით ცვლას“? სხვა რომ არა იყოს რა, ქრისტე მოსვენებული არავის უნახავს, არც არაფერი უთქვამს მოსვენებაზე. მოყვასთა სიკეთისათვის შრომა, ლოცვა და ღმერთთან განუშორებელი, განუწყვეტელი, მუდმივი კავშირი და ერთობა—აი ქრისტეს უმთავრესი სწავლა, მისი ანდერძი, მისი უკანასკნელი სიტყვა.

— უარყავით ყველაფერი, რაც გვიანლოვებს სიკვდილს! აღიარეთ ფხიზელი ცხოვრება, სიცოცხლე! აღსდევით მკედრეთით!—აი მთელი ფილოსოფია ქრისტეს მკედრეთით აღდგომისა ბ. „ისრის“ აზრით.

მაგრამ მაინც რომ არაფერ ი გეშუე

ლის, მაინც რომ ვკვდებით, რაც უნდა ფხიზლათ ვიცხოვროთ? რას გვეტყვი. ამაზე ბ. „ისარო“? გეტყობათ „ფხიზელ“ ცხოვრებას ატარებთ ბ. „ისარო“, მაგრამ არ მოსტყუვდეთ და არ წარმოიდგინოთ რომ უკვდავი ხართ. მოვა დრო, უკანასკნელი დრო თქვენი ქვეყნად ცხოვრებისა და უნუგეშოთ დაიშხვრევა თქვენი „ფხიზელი ცხოვრების“ ფილოსოფია.....

მეორე წერილი — „გაზაფხულის ჰანგები“ აღდგომის გამოა დაწერილი, როგორც ამას ვკითხულობთ სათაურს ქვემოთ, ფრჩხილებში და ეკუთვნის პატივცემულ და ყველასგან საყვარელ ჩვენი ეროვნების მოტრფიალ-მოამბავს ბ. სილოვანს. ჰანგები, როგორც ჰანგები კარგია და კარგი, მაგრამ მას აღდგომის სუნიც არ უდის, ტყე. ველი, მინდორი ყვავილობს, ხარობს, მაგრამ „დამაშვრალთა და ტვირთ მიძიმეთათვის“ ჯერ არ გათენებულა, მათ თვალღებში ჯერ არ გამოძკრთალა „სიხარულის სხივები“, „ძენი კაცთანი კავშნის ძენი ისევ დაღვრემილნი არიან“, „მთელი ბუნება იღვიძებს, იშვებს და იხარებს, მაგრამ ჩაგრული ადამიანი ჯერ არ აღმდგარა, ჯერ არ გაუღიმიება უბედურ, დაობლებულ გულს“ — მოსთქვამს ბ. სილოვანი.

ვერასოდესაც ვერ აღდგება, ვერასოდესაც ვერ გაიღვიძებს, უუპასუხებთ ჩვენ, სანამ ქეშმარიტი „აღდგომის“ სხივი არ შეანათებს ჩაგრულთა საკანში, სანამ ქრისტეს ღვთაებრივი სიყვარული არ გაათფობს დაობლებულ გულს. „ამაო ამაოთა და ყოველივე ამაო, სთქვა ბრძენმა“ ვერაფერი ნივთიერი ვერ გააძღებს ადამიანის გულს ამ ქვეყნად და, მაშასადამე, ვერასოდეს ვერ გაიღვიძებს ადამიანის გული. მხოლოდ ცხოველი კავშირი ქრისტესთან მოგვეცემს ღვინას გულისას და გაგვხდის ქეშმარიტ ნაყოფიერ გმირად მოყვასთა სასარგებლოდ და ქირსაც ღვინად მიგვაჩნევიებს. დასამტკიცებლად გადავიტოვებთ ზნეობის გმირების ისტორიას.....

ქრისტეს სახელის ხსენებას ძალიან ერიდება ბ. სილოვანი თავის „ჰანგებში“, თუმცა მისი ღვთაებრივი სიტყვებით, თავისებურათ, შეკრებილად კი ხარგებლობს, მგონია უფრო „ჰან-

გების“ შესალამაზებლათ. საზოგადოათ ბ. სილოვანს ჩვეულებათ აქვს, არაფერი წამოსცდეს ღმერთზე და სარწმუნოებაზე. „იმერეთის,“ — თუ არ ვცდები, — ერთ-ერთ ნომერში, მაგ., სილოვანი სწერდა ძველმა ქართველობამ დაიკვა ეროვნება, ენა და ზნეობაო. აქ ზნეობა ნაძალადევი ნახმარია, როგორც მკითხველი შეატყობდა. ქეშმარიტებასთან უფრო ახლო იქნებოდა ეხმარა სიტყვა „სარწმუნოება“, მაგრამ არ უღალატა თავის ჩვეულებას, ძველი ქართველივით დაიკვა თავისი „ზნე“. ამის შემდეგ რაღა აზრი აქვს და რისღა მაქნისია ფრჩხილებში ჩასმული „აღდგომის გამო“?

მეოთხე სააღდგომო წერილი სათვალავით ეკუთვნის „იმერეთ-კოლხიდის“ მესაქეს, მის თანამშრომელთა მთავარ-სარდალს, ახალმოდის მგოსანთა ობერ-პოეტს, უარის მყოფელ მეცნიერთა სუპერფილოსოფოსს ბ. გუცას, რომლის წერილის სათაურია „პირველი ამბორი“. ბატონი გუცას სახელის ხსენება და მისი მალალი აზრების გამომზეურება ჩვენი გაზეთის ფურცლებზე ბევრჯერ მოვიწოდებთ, მაგრამ რაღაც იღუმალი ხმა ნებას არ გვაძლევდა, მუდამ ერთ და იმავე სიტყვებს ჩაგვიჩინებდა „აყადენ მკვდარნი დაფლვად თვისთა მკვდართა“, — სიტყვებს, რომლებიც ეკუთვნის მისგან „ათვალწუნებულ“ მარიამ მაგდალინელას საყვარელ იესოს. ბ. გუცას ფსევდონიმი დაფარული არ არის და მიტომ ნებას ვაძლევ ჩემ თავს ვაცნობო მკითხველ საზოგადოებას მისი საღვთიმეტყველო ბარგის ვითარება. მან დაამთავრა საჩხერის ორკლასიან სამრევლო სკოლის საღვთისმეტყველო კურსი, საიდგანაც, როგორც სჩანს, შეიძინა ასეთი მალალი აზრი იესო ქრისტეს პიროვნებაზე. ამიტომ იესო ქრისტეს პიროვნების ქირღვაში თვით რენანსაც გადააქარბა ბ. გუცამ და თვით რენანისგან და მთელი ქვეყნიერებისაგან აღიარებული ზნეობის იდეალი იესო ფხვქვეშ გათელა და მარიამ მაგდალინელის ხორციელსაყვარელ მიჯნურად გახადა.

„ქრისტე აღსდგა! ახარა მოციქულმა პეტრემ მარიამს..“

— ნუ თუ მართლა? თავდავიწყებით წა-
მოიძახა მავდალინელმა.

— დიან ალსდგა და გეამბორება შენ, უმ-
შვენიერესო ქალთავან!

მკვდრეთით აღმდგარმა ჭეშმარიტებამ პირ-
ველი ამბორი სიყვარულს უძღვნა.

როგორ მოგწონსთ, ბატონებო, ასეთი
ტირადა ბ. საჩხერელი ლეთისმეტყველისა? და
როგორ მოგწონსთ ის გაზეთი, რომლის ფურ-
ცლებზედაც ასე უსინდისოთ იბლაღება მთელი
კაცობრიობის წმიდათა წმიდა, თუ მხედველო-
ბაში არ მივიღებთ გუცასთანა კუდაბზიკა კა-
ცუნებს, -- იბლაღება მაშინ, როცა მთელი ქრი-
სტიანობა სადღესასწაულო იუბილეს უხდის
სიკვილითა სიკვილის დამორგუნველს, კაცო-
ბრიობის განმაახლებელს, მკვდრეთით აღმდგე-
ნელს, მკვდრეთით აღდგომილს მაცხოვარს და
შხსნელს? როგორ მოგეწონათ, როცა ვილაკ
ახლად მოვლენილმა მეცნიერმა კაკაბაძემ დი-
დებული შოთას პიროვნება; მისი გენიოსობა
იქვის ბურუსში გახვია? როგორ მოგეწონებათ
ილიას მოწამებრივი სახის შებლაღვა, როცა
გაჩიარდნებულ თეატრში ლიტერატურულ
საღამოს პართავთ მისი ხსოვნის აღსანიშნავად
და მისი აზრების ხალხში ფართოთ მოსა-
ფენათ? და ვინა შესაძლებელია შედარების ხა-
ზი გაეატაროთ ქრისტესა და აღნიშნულ ჩვენ
მასახლეებელ ლიტერატორთა შორის? რათ
ასეთ ანგარიშს არ უწევთ, ბატონებო, სხვის
გულის ღმერთს? თუ თქვენ არაფერი გწამთ,
ეს კიდევ ნებას არ გაძლევსთ სხვისი სარწმუ-
ნოება, სხვისი წმიდათა წმიდა შეფაროთ, შებ-
ლალოთ.

ჩვენ, რა თქმა უნდა, წინააღმდეგი არა
ვართ სეროიზული კრიტიკისა ხარწმუნოების
საქმეში, ჭეშმარიტებას არ ეშინია არაფითარი
შკაცრი კრიტიკისა, ჩვენ მოხარულიცა ვართ,
როცა ათასში ერთხელ შემთხვევა მოგვეცემა
სარწმუნოებრივ საკითხებზე გავმართოთ ბაასი მკი-
თხველ საზოგადოებასთან, მაგრამ არა გუცასთანა
კუდაბზიკა მჭირდავ ობერ-პოეტებთან, რომლებ-
საც ყოველი სიწმიდის შეგინება ბ კბილების
ღრქენა კრიტიკა ჭგონია და თავის განათლება

ჭაერში მოარულ აზრებით დაუშთაერებია, არა-
მედ სეროიზულ და სინდისიერ მეტიებლებთან,
რომლებსაც, საუბედუროთ ვერ ეხედავთ, არა-
თუ კოლხიდის თანამშრომელთა შორის, არა-
მედ, მკირედის გამოკლებით, მთელ ქუთათურ
და სრულიად საქართველოს ინტელიგენტთა
შორის, რომლების საღვთისმეტყველო განათ-
ლება არ გასცილებია რუდაკოვის „ზაკან ბოგს“
და ფილარეტის „კატეხიზისს“, და სწორეთ ამით
აიხსნება გუცასთანა ობერ პოეტების გამოსვლა
გაზეთის ფურცლებზე საღვთისმეტყველო პოე-
ზიით.

და ნუ თუ ჭგონია „კოლხიდის“ რედაქ-
ციას, რომ ასეთი გუცასთანა თანამშრომლე-
ბით მოიპოვებს სახელს და ფართოდ მოჰფენს
ხალხში თავის გამოცემას, იმ ხალხში, რომელ-
მაც ჯვარცმით და წაშებით დაუმტკიცა მაცხო-
ვარს თავის ერთგულება?...

ხეჯი.

გ ა მ ც ე მ ი *).

„იუდა! შენ გამცემ მე.“
უთხრა იესომ ტკბილის ჩურჩულით, და
ისე მახვილათ გაურქო თვლებში თვალი, რომ
იუდას ბოროტი სული სულ ძირიანათ შეირყა.
საერთო სიჩუმე ჩამოვარდა ქრისტეს მო-
წაფეებში, რომელნიც განუსაზღვრელი ღმომ-
ბიერებით უცქერდენ სამსხვერპლოდ გამზადე-
ბულ ზვარაკს და თვალს ადევნებდენ იუდას
სულის კვეთებას.

ვის არ მოაჯადოებდა ქრისტეს სიტყვე-
ბის მომხიბლავი მუსიკა!

თვით უძლიერეს მტარვალთაც კულის
სიღრმეში სწვდებოდა იგი და სიყვარულათ უც-
ვლიდათ შურის-ძიებას, მან არ შემუსრა რო-
მაელთა უძლიეველი ლეგიონები?! მან არ და-
ღვწა რომაელთა საპრობილენი და ურიცხვ
ბედკრულთ მიანიჭა თავისუფლება?!

მაგრამ არ შედრკა იუდა.

ვერცხლისადმი ანგარებამ დაუჩლონდა მას
გულის სმენა და გასაცემათ მტერაიან წავიდა.

*) გვიან მიღების გამო დაგვიგვიანდა სააღდგომო
№-ში გაშვება.

გოლგოთას მთაზე ჯვრით დატვირთული მიდის იესო. პირისახეზე ქრისტეს წურწურით ჩამოსდის სისხლის ოფლი და ქვიშას აღლობს მისი სისველე.

იუდა უკეტრს.

და როცა წამების ჯვარზე ჩქეფა დაიწყო უმანკო სისხლმა... შედრკა იუდა, შესძრწუნდა, ათრთოლდა. გული, მოღუშული და დამზრალი გაეღლო. იქემა შეიპყრო ლითონისადმი. თვალწინ წარმოუდგა არარაობა ვერცხლისა, როსელმაც საშინელი ბოროტება ჩაადენია.

გამცემი...

შემაძრწუნებელი თრთოლვით წარმოსთქვა მან და შიშის ზარმა ააკანკალა. მხოლოდ ახლა იგრძნო, რომ საუკუნოების განმეღობაში შთამომავლობა წყველა-კრულვას უძღენიდა მუდამ, და, წარუბოცელი ზიზლით შესერილი, იუდას სახელი გამცემთა მაფრთხობელათ დაჩებოდა ერთა შორის. და შეიგნო, რომ გამცემი ვერასოდეს ვერ მოისვენებს.

ვერცხლი?!

სად ვაქრა ლითონო ძალა შენი?

ნუ თუ მართალია!?

იუდამ თვისი საუნჯე შორს გადისროლა, მიმოაბნია, ფეხი დაჰკრა და მსწრაფლ მიიქრა გოლგოთას, ქრისტეს წინაშე, რათა შეენანებია დანაშაული... მაგრამ...

ველარ მიუსწრო.

ქრისტე, ქვეყნის საუნჯე, უშრეტე წყარო სიყვარულის, სათნოების და ქეშმარიტების, უკვე აღსრულდა.

სალამოს ეამი იყო. გოლგოთას მთაზე წყვილიადის შავი ზეწარი ფარავდა ჯვარცმულს. საშინელი დანაშაულის წინაშე შიშით შეპყრობილი მიდამო ძრწოდა. სიმატლისთვის წამებული იესო ჯვარზე ეკიდა. ბაგებზე ტანჯვით შეკანძმული უკანასკნელი ღიმი უკრთოდა და გოლგოთას წვერვლიდან სიბრალოლით გასცქეროდა უმადური ურიასტანის ბედკრულთ, დაობლებულთ.

იუდამ იხილა ტაძარი მისი ბოროტი ხელით ნგრეული, თვალი შეაფლო ძვირფასი ხასხელის

ბარძიმს, რომელიც მწიკვლიანი ხელით განგმირა და მის ცქერას ველარ გაუძლო...

სწრაფათ დაეშვა გოლგოთას მთის ხრიკებზე, უღრანს ხევი შეიქრა და სულის ქენჯნით მოქანკულმა აღსასრული ლეღვის რტოზე იხილა.

დ. ჩხიკვაძე.

მოწერილი ამბები.

დ. ლანჩხუთი.

გასულ კვირას ლანჩხუთის სამრევლო ორკლასიან საქალებო სკოლას ეწვია ურია-სამეგრელოს ეპარქიის სკოლების მეთვალყურე ბ.ნი სინსკი, რომელმაც გამოსცა და მოწაფე ქალები ყველა საგნების სოდნაში. სამღვთო სჯულში ბ. სინსკიმ მოსთხოვა ბავშვებს რუსულად ცოდნა ლოცვების და სამღვთო ისტორიების უნძროს მე-2 და მესამე განყოფილებებში, ხოლო პირველ განყოფილებაში ზოგიერთ კითხვებზე რუსულად პასუხის მიცემა. როცა სკოლის გამგემღვედელმა აუხსნა მეთვალყურეს, რომ პირველ სამ განყოფილებაში სამღვთო სჯულს ქართულად ასწავლიან და უფროს განყოფილებაში კი რუსულად ბ. სინსკიმ განაძხადა, რომ სამღვთო სჯულის სწავლება ქართულთან ერთად რუსულად უნდა სწარმოებდეს პირველსავე განყოფილებაში, ხოლო მეორეში და მესამეში რუსულად უნდა ისოდენ მოწაფეებმა ლოცვები და ისტორიები. გამგემ მოსთხოვა მას წერილობითი განკარგულება ამის შესახებ, მან კი მიუთითა ვოსტოგოვის დროს დამტკიცებული სამრევლო სკოლებისთვის სამოსწავლო პლანზე, ამ პლანმა, როგორც ვიცი, თვის დროზე აურხაური გამოიწვია ჩვენ სამღვდელოებაში და საზოგადოებაში და მას შემდეგ ის არ განუხორციელებიათ, რადგანაც უკუღმართად არის შედგენილი, და ქართულ ენასაც ძლიერ სოტა ადგილი ჰქვს დათმობილი. როგორც ამბობენ, ბ. სინსკი ამ პროგრამით თხოულობს სწავლებას და ზოგ სკოლებში კარგათაპ ასრულებენო. ამ ნაირად სამრევლო სკოლებში შეაქვთ ერთხელ უარყოფილი პროგრამა, რომელიც ბევრათ უარესია საშინისტრო სკოლების პროგრამაზე. დასაფარავი არ არის, რომ ჩვენს სკოლებს უნდობლად ეპყრობა ხალხი და ეხლა კი ხსენებული პროგრამის შემდეგ სულ მთლად აიძრუეს მახე გულს. ჩვენ ვიცი რომ როგორ უპასუხა დირექციას საზოგადოებამ, როცა იმან მოინდომა პროგრამის შეცელა. შარშან ცნობილმა ინსპექტორმა გასპარაიანცმა საშინისტრო სკოლებში გურიისში სწორეთ ისე მოითხოვა სამღვთო სჯულის სწავლება, როგორც სინსკი თბილუმს და სიმართლე უნდა სთქვას კასმა, რომ თვით მასწავლებლები აღმფოთდენ და აუხსნენ მას ასეთი მოთხოვნის

შეუსაბამობა. ჩვენ სკოლების შესახებ ამოიღებს ვინმე ხმას თუ არა, არ ვიცი; პირველად სამღვდლოებამ უნდა აღიმალოს ხმა მისდამი რწმუნებული სკოლების დამახინჯების წინააღმდეგ და შემდეგ იმეღია, იმას მიუყვებიან ყველა ისინი, ვინც დაინტერესებულია ამ ტიპის სკოლების წარმატებით. ვნახოთ რა იქნება?

ხოტყველი.

წერილი რედაქციის მიმართ,

მამაო რედაქტორო!

უმორჩილესად გთხოვთ ამ წერილს ადგილი მისცეთ თქვენ პარტიკულურ გაზეთის მახლობელს ნომერში.

ამა წლის თებერვლის პირველ რიცხვებში თქვალათის (სენაკის მაზრა) დედათა მონასტერს ეწვია უბედურება; მოულოდნელმა სეხლმა ნაპრად აქცია ოცდაორი ბინა (სენაკი) უმისოდ სუსხრო მონაზონთა. რამდენიმე ათეული მონაზონთა დარჩა ყოველ სარჩოსადაც დებელს მოკლებული. უმწიოდ დარჩენილ გატივრებულ მონაზონთა დსახმარებლად ყოველად სამღვდლო ლეონიდემ გამოიჩინა თავისი ჩვეულებრივი მოწყალე თანაგრძნობა. ბრძანა დაარსებელიყო ქალაქ ფოთში კომიტეტი შეწირულებათა მოსაყრებად.

თვისდა სასახლოდ კომიტეტმა პირნათლად აასრულა სათაყვანო მწყემსმთავრის მონდობილება და სულ ერთი თვის განმავლობაში (11 მარტიდან) მოაგროვა სამას მანეთზე სოტა მეტი და აწის მოელის გატივრებულთა შეწეწარე და გულკეთილ აღამიანებისაგან შემოწირულებას ეპარქიის სამღვდლოებისაგან, რომელსაც მიმართა საყვარელმა მწყემსმთავარმა მოწოდებები.

სია შემომწირველთა:

უპნობი პირისაგან 25 მანეთი, კომიტეტის წევრებისაგან: ვლადიმერ მარჯანოვისაგან 10 მანეთი. ხეთხოთი მანეთი-ქ-ბატონებმა: ედ. სალაყაიასა და სოფ. საბაბტარიშვილისა, დეკანოზი კლ. ჩანტურაიასგან და ელ. გაგუასაგან: სამ სამი მანეთი-ქ-ბატონებმა: ვკ. ხოშტარისა და ნატ. ლოლუამ, მამა ვარ. მახარამემ ორი მანეთი-ქ-ბატონი მატო ხოფერიასამ.

გარეშე პირთაგან: ხეთხოთი მანეთი: გიორგი მარგალიტაძე, გიგო დიღია, ქ-ბატონი ნინო მენარაგოასა, ბატ. კაუდფუსი, შიხა გვალა და თადეოზ კეშელავამ; სამ-სამი მანეთი: გ. კეფალიდი, მამა ი. ბობოხიძე, ბ. ბ. ვ. თოფურიძე, იზბაში, კ. შიქაბერიძე, ბეჩე გავტელია, ანდრი ევანია, აგვბილაი აგვბიონომ დამოკნის მმართველი ბ. ბუღინსკი, მამა მელ. კელენჯერაძე და ანდრი ქავთარაძემ და ბ. მერიშა: ორ-ორი მანეთი:

ელ. ხოშტარია, ანდრი ლოლუა, კობთა რუხაძე, შიხ. კაგაროვი, მეგერლიხ სურგოვი, ანნა გაგუა, აღ. ხაგორსკი ფოთის ყერძო პროფესიონალურ სკოლაში მოსწავლე ქალებისაგან (ორი მანეთი და თორმეტი კაპეიკი), ა. აპრელოვი, პარტ. საძანჯი, ბეე. საბაბტარიშვილი, ლეონ. ლიუდინი; ნინო პარვანა, ნინო გიგუა, ქსენია ოსიძე და ლარიძემ. მანეთ ნახვეარი: ან. დგროვისა და იაკობ შუნტერმა; თითო მანეთი: ბათუმურიღია, პორუჩიკი სამოიკო, №, №, მაქსიმე პაატკარია, ვარ. ტოტუა, გ. ნიკოლაიშვილი, აღ. ქოიავა, სამ. კვინიხიძე, პ. აპოხოვი, მორდეს მამისთვალაოვი, გრ. გრიგოლოვი, კ. ზამისკი, პეტ. მატახერია, ვალ. აბუქოთ. კორაიჩეკო ძმები აღ. და ლ. ლლონტები, შიხ. ფარულავა, ნიკო ლლონტი, გ. სარპოლაი, ანდ. შამუგია, ბეგლ. მამლაძე, აღი დაფაზან-ოღლი, ნ. ნახარაძე, ე. ასლანიანი, ლუკა გერსამია, თეოფანე კინწურაშვილი კოსთა ქვარსხავა, მაქ. ხორავა, აქეს. ფვანია, ვ. დვიმანი, ევგ. გაბელია, იოს. ოდიშარია, შარკან მხადაია, და ფარნა მილორავა (ამხანაგობა), ივან ალხაზოვი, ივ. ბოლქვაძე, ქ-ბატონი ს. ნაკაშიძისა. არს. ლომინაძე, აფრ. ელენტი, აქეს. ჩიქობავა, ფ. კაქარავა, ტრიფ. გაღულია (1 მან. 5 კაპ.), ევნატე ქაქტია, ი. ქადეიშვილი, ვას. ესებუა, პლ. ყორდანია, ელიზ. თოფურიძე, შიხა ესაკია, ლუკა თვალაძე, მანფონოსკი, დომ. კუქაძე, შიხ. გროდსკი, სამსონ დოლიძე, პავონი, ერმალო ბოლქვაძე, ზ. ფარულავა, სამსონ ტყონია, ქ-ბატონი ლიხა საბაბტარიშვილასა, ვკ. სახაროვისა, ივანე (ბანძლი) ნოდია, მამა გიორგი გვახავა, აკაკი და ალექსი თოფურიძეები, კ. ბორჩიყესკი, ბაბილინა უნგაძისა, გიორგი ლოლობერიძე, მამა ბეგლარ კაქარავა, მელქ. კალანდარიშვილმა, მესარიონ ჩიჩუა, ვარდენი, სანდრო გუგუშვილი. როდ. ხოშტარია, სოლ. ოსიძე, №, №, კ. შურბა, ზიფერტი, პეტ. ქუთათლაძე, თეოდ. გველესიანი, აკ. თალაყვაძე, ბ. ბეგობეგოვმა, სხრამეტი შაური და ლ. ჩხარტიშვილმა თეგმეტი შაური, ათ-ათი შაური: არჩილ ფულარია, კვილა, ვერა ნამიჩეიშვილი, აიბინდერი, ბურშტეინი, სტ. გოგინავანა, სოკრ. ოკუნჭავა, ნიკო ევანია.

კომიტეტის თავმჯდომარე დეკ. ელ. ქანტუაია ხაზინადარი მღვდელი ვარლამ მახარაძე. მდივანი ელ. გაგუა.

P. S. ვთხოვ უმორჩილესად „სახალხო გაზეთის“ და „კოლხიდის“ რედაქციებს ეს წერილი გადაეჭდონ. გამგეობა კომიტეტისა. შემდეგი იქნება.

რედაქტორი მღვდელი სიმონ მკაღლიძე. გამომცემელი იოსებ ლეჟავა.